



## WILMA QUAN

Tus Tswj Xyuas Lub Nroog

### COV LUS KHOO XWM TXHEEJ CEEV 2020-13

#### NYOB TSEV – NTXIV SIJHAWM MUS NTEV ZOG THIAB NTXIV NTAU ZOG

COV LUS KHOO LOS NTAWM TUS TSWJ XYUAS LUB NROOG FRESNO TSHAJ TAWM KOM TXHUA TUS NEEG UAS NYOB HAUV LUB NROOG YUAV TAU NYOB HAUV LAWV LUB TSEV TXUAS NTXIV MUS TIAMSIS TSUAS TAWM TAU MUS NRHIAV LOSSIS MUS TXAIS TEJ YAM KEV PAB UAS TSEEM CEEB LOSSIS MUS KHIIV HAUJLWM UAS TSEEM CEEB THIAB MUS UA HAUJLWM RAU COV LAG LUAM THIAB CHAW HAUJLWM TSOOM FWV UAS TSEEM CEEB; PEB TSHAJ TAWM KOM COV LAG LUAM THIAB TSOOM FWV COV CHAW HAUJLWM UAS TSIS TSEEM CEEB KAW LAWV LUB CHAW HAUJLWM HAUV LUB NROOG; TXWV TSIS PUB NKAG MUS RAU COV CHAW UA SI; KHOO KOM COV LAG LUAM TSEEM CEEB YUAV TSUM TSWJ KOM COV NEEG TUAJ YUAV KHOOM NYOB DEB NTAWM LWM COV NEEG; THIAB TXWV TSIS PUB TIB NEEG SIB SAU UA KE YOG TIAS TSIS TSEEM CEEB TXAWM TIAS NTAU THIAB TSAWG TUS NEEG LOS XIJ

Vim tias kuv yog Tus Thawj Coj Saib Xyuas Thaum Muaj Tej Yam Xwm Txheej Ceev raws li Cov Cai Kav Lub Nroog Fresno Tshooj 2-505, thiab raws li lub zog uas txoj cai muab rau kuv hauv Cov Cai Kav Lub Nroog Fresno Tshooj 2-506, vim tias tus kab mob COVID-19 yuav raug tau cov pej xeem txoj kev noj qab haus huv, kuv tshaj tawm cov lus khoo raws li ntawm no:

1. Cov Lus Khoo no yuav pib thaum 12:01am hnuv Saturday, Lub Plaub Hlis Ntuj Tim 11, 2020, thiab yuav los hloov cov lus hauv Cov Lus Khoo Xwm Txheej Ceev 2020-02. Cov Lus Khoo no pab qhia kom cov lus hauv Cov Lus Khoo Xwm Txheej Ceev 2020-02 tseeb zog, khov kho zog thiab mus ntev zog. Cov lus khoo no yuav ua haujlwm tswj mus txog 11:59 pm Hnuv Wednesday, Lub Tsib Hlis Ntuj Tim 6, 2020, tiamsis peb muaj txoj cai los ntxiv sijhawm ntev zog lossis hloov tej yam hauv los tau.
2. Cov Lus Khoo no yuav ua haujlwm nrog, thiab siv los pab nkag siab, nrog cov lus

Lub Nroog Fresno

City Hall • 2600 Fresno Street • Fresno, California 93721-3600 (559) 621-7768 • Tus Xovtooj FAX (559) 621-7776 •

[www.fresno.gov](http://www.fresno.gov)

khoo Lub Peb Hlis Ntuj Tim 19, 2020, Cov Lus Khoo Nyob Tsev los ntawm Tus Cob Kheem Gavin Newsom, Lub Peb Hlis Ntuj Tim 4, 2020, Cov Lus Tshaj Tawm Tias Lub Xeev Muaj Kev Xwm Txheej Ceev los ntawm Tus Cob Kheem Gavin Newsom, Lub Peb Hlis Ntuj Tim 17, 2020, Cov Tswv Yim Pab Daws Kev Xwm Txheej Ceev Rau Lub Nroog uas raug pom zoo siv los ntawm Lub Cheeb Nroog Fresno Cov Rooj Tsav Xwm, thiab Lub Peb Hlis Ntuj Tim 16, 2020, Cov Lus Tshaj Tawm Los Qhia Tias Lub Zos Muaj Tej Yam Xwm Txheej Ceev los ntawm Tus Cob Moos Lee Brand.

- 2.1. Lub hom phiaj ntawm Cov Lus Khoo no yuav los pab kom ntau tus neeg nyob hauv lawv lub tsev ntau li ntau tau, thiab pub cov kev pab uas tseem ceeb khiav txuas ntxiv mus, los pab kom txoj kev kis tus kab mob COVID-19 kis tsawg zog li qhov kis tau thiab los pab kom muab tau txoj kev kho mob nrawm rau cov tib neeg uas yuav tsum tau kev pab nrawm. Thaum tib neeg yuav tau tawm lawv lub tsev, txawm tias mus yuav lossis ua haujlwm uas tseem ceeb heev, lossis mus khiav haujlwm kom tseem ceeb rau ib tug neeg lub neej thiab lag luam, lawv yuav tsum ua raws li Cov Cai Hais Kom Nyob Deb Lwm Tus txhua lub sijhawm raws li tau piav hauv qab. Tagnrho cov lus hauv Cov Lus Khoo ntawm no yuav tau raug muab los txhais kom peb ua tau lub hom phiaj no kom ntau li ntau tau. Yog tias leej twg tsis ua raws li cov lus hauv Cov Lus Khoo ntawm no nws yuav ua raug loj heev, tsim kev phem rau cov pej xeem txoj kev noj qab haus huv thiab raug cov pej xeem. Cov ib sij txhaum cai lossis txhaum cai tas li yuav raug txim raws li lub xeev thiab lub nroog cov cai.
- 2.2. Peb hais kom txhua tus neeg uas nyob hauv Lub Nroog yuav tau nyob hauv lawv lub tsev. Yog tias tib neeg yuav tau koom ib qho chaw ua ke lossis koom ib thaj tsam nraum zoov ua ke, lawv ua raws li Cov Cai Hais Kom Nyob Deb Lwm Tus uas hais kom lawv nyob deb ntawm lwm tus neeg yam tsawg kawg yog rau feet (fij) ntawm lwm tus neeg thaum lawv nyob sab nraum lawv lub tsev. Txhua tus neeg tawm tau lawv lub tsev mus Khiav Haujlwm Tseem Ceeb, Koom Tej Haujlwm Tsoom Fwv Tseem Ceeb, lossis mus khiav lawv Lub Lag Luam Uas Tseem Ceeb, raws li tau piav hauv qab. Peb xav txhawb kom cov tib neeg uas tsis muaj tsev nyob mus nrhiav ib qho chaw nyob, thiab peb txhawb kom tsoom fwv thiab lwm cov koom haum mob siab nrhiav ib co chaw sai li sai tau thiab kom ntau li ntau tau (thiab siv cov tswv yim los tswj kom muaj feem tsawg zog los kis tus kab mob COVID-19 tsawg zog rau txhua lub chaw lawv khiav). Tagnrho cov lag luam hauv Lub Nroog, tiamsis tsis hais txog cov nyob hauv Cov Lag Luam Tseem Ceeb (raws li tau piav hauv qab), yuav tau nres txhua yam lawv ua hauv Lub Nroog tiamsis pub lawv Khiav Haujlwm Raws Li Qhov Tsawg Kawg, raws li tau piav hauv qab. Kom txhua tus paub tseeb, cov lag luam tseem khiav tau yog tias lawv cov neeg ua haujlwm lossis cov neeg lawv ntiav nyob tsev ua haujlwm (piv txwv tias ua haujlwm hauv istawsnev). Peb yeeb txhawb kom tagnrho Cov Lag Luam Tseem Ceeb qhib twj ywm.
- 2.3. Cov Lag Luam Tseem Ceeb yuav tau hais kom lawv cov neeg ua haujlwm mus ua haujlwm tom tsev hauv istawsnev ntau li ntau tau.
- 2.4. Cov lag luam uas tseem khiav Cov Lag Luam Tseem Ceeb tom lawv lub chaw haujlwm nrog rau cov haujlwm uas tsis tseem ceeb, ua kom tau ntau li ntau tau, txiav ib co haujlwm los ua khiav Cov Lag Luam Tseem Ceeb xwb; thiab, tiamsis

mas, cov lag luam muag khoom thiab cov lag luam muag tej pob khoom uas raug txoj cai no tswj tseem ib sij khaws thiab muag cov khoom uas tsis tseem ceeb los tau.

- 2.5. Tagrnho Cov Lag Luam Tseem Ceeb, nrog rau, tiamsis tsis tas rau cov khw muag khoom, cov khw tsim khoom thiab lwm Cov Lag Luam Tseem Ceeb (nrog rau cov tsev kho mob loj) yuav tau npaj thiab tiv cov sijhawm lawv qhib, tsis txhob pub dhau lig tshaj thaum 11:59 pm Hnub Wednesday, Lub Plaub Hlis Ntuj Tim 15, 2020, Txoj Cai Hais Kom Nyob Deb Lwm Tus ntawm txhua lub qhov rooj nkag mus rau cov tsev lag luam hauv Lub Nroog Fresno uas cov pej xeem thiab cov neeg ua haujlwm nquag mus. Txhua tus yuav tau teb daim ntawv qhia txog Txoj Cai Hais Kom Nyob Deb Lwm Tus uas peb tau muab rhais ua ke rau Cov Lus Khoo ntawm no raws li Theem A thiab yuav tus muab luam tawm kom loj yam tsawg kawg yog, 11 inches thiab dav li 17 inches. Txhua Lub Lag Luam Tseem Ceeb yuav tsum siv cov cai hauv Txoj Cai Hais Kom Nyob Deb Lwm Tus thiab, yog tias tau nug rau, muab pov thawj tias nws yeej ua raws rau tus neeg uas tswj Cov Lus Khoo ntawm no. Thaum lawv teb Txoj Cai Hais Kom Nyob Deb Lwm Tus lawv yuav tsum piav tias lub lag luam ua li cas los ua kom tau raws li ntawm no, rau tej yam uas haum lawv lub lag luam:
  - 2.5.1. Txwv kom tsawg tus neeg nkag rau hauv lub tsev lag luam rau ib lub sijhawm kom paub tseeb tias cov neeg hauv lub tsev lag luam nyob tau deb ntawm lwm tus neeg li ntawm rau- feet txhua lub sijhawm, tiamsis tsuas pub kom lawv khiav tau txoj haujlwm hauv Lub Lag Luam Tseem Ceeb;
  - 2.5.2. Khij hauv av rau cov chaw tib neeg ua kab sab hauv thiab nraum zoov lub lag luam kom lawv nyob deb li rau feet ntawm lwm tus.
  - 2.5.3. Muaj cov tshuaj pleev tes tua kab mob, xub npum thiab dej, lossis cov tshuaj tua kab mob rau ntawm qhov chaw lossis ze rau cov chaw nkag mus rau hauv lub tsev lag luag thiab tso rau cov chaw haum rau cov pej xeem thiab cov neeg ua haujlwm los siv uas nquag muaj neeg ua haujlwm thiab cov neeg ua haujlwm nyob;
  - 2.5.4. Ua kom muaj ib txoj kev rau tib neeg them nyiaj yam tsis thas kov dabtsi lossis, yog tias ua tsis tau li ntawd, ces ib sij siv tshuaj tua kab mob los so cov tshuab them nyiaj, cov npiv, cov tshuab ntaus txhua lub sijhawm ib tug neeg siv;
  - 2.5.5. Siv cov ntaub tua kab mob los so cov chaw tib neeg nquag kov tas mus li;
  - 2.5.6. Siv Lub Cheeb Nroog Fresno Lub Tuam Tsev Haujlwm Tswj Xyuas Txoj Kev Noj Qab Haus Huv Daim Ntawv Kuaj Rau Cov Chaw Haujlwm Uas Tsis Yog Kho Mob Daim Ntawv Kuaj Cov Pej Xeem; thiab
  - 2.5.7. Hais kom cov neeg ua haujlwm hnav tej yam tiv thaiv ntsej muag thaum lawv ua haujlwm.
- 2.6. Tagrnho cov kev sib sau ua ke rau cov pej xeem thiab tib neeg ua rau lawv tsev neeg nraum zoov lossis sab nraum lawv lub tsev yuav raug txwv tsis pub ua lawm, yog tias tsis haum raws li tau hais ntawm no. Tsis muaj dabtsi hauv Cov

Lus Khoo no yuav los txwv cov tib neeg uas nyob ib tse lossis ib lub tsev los sib sau los Khiav Haujlwm Tseem Ceeb.

2.7. Cov Lus Muab Los Txhais thiab Cov Kev Zam.

2.7.1. Kom txhua tus nkag siab Cov Lus Khoo ntawm no, tib neeg yeej tawm tau lawv lub tsev mus "Khiav Haujlwm Tseem Ceeb" raws li ntawm no. Tiamsis, cov tib neeg uas yuav muaj feem mob loj yog tias lawv kis tau tus kab mob COVID-19 raws li CDC tau piav thiab cov tib neeg uas tsis xis nyob yuav tau nyob twj ywm hauv lawv lub tsev tiamsis mus nrhiav tau kev kho mob yog tias lawv yuav tsum tau mus.

2.7.2. Mus khiav haujlwm lossis mus ua tej yam lawv yuav tsum ua rau lawv txoj kev noj qab haus huv thiab kev nyab xeeb, lossis rau txoj kev noj qab haus huv thiab kev nyab xeeb ntawm lawv tsev neeg lossis cov neeg hauv lawv lub tsev (nrog rau, tiamsis tsis tas rau, cov tsiaj), xws li, lam piv txwv xwb thiab tsis tas li no, mus nrhiav khoom kho mob tu mob lossis tshuaj noj, mus ntsib ib tug kws kho mob, lossis mus yuav khoom kom lawv ua tau haujlwm hauv lawv lub tsev.

2.7.3. Mus txais cov kev pab lossis tej yam khoom lawv yuav tsum tau rau lawv tus kheej thiab lawv tsev neeg lossis cov neeg nyob hauv lawv lub tsev, lossis mus muab cov kev pab lossis cov khoom rau lwm cov neeg, xws li, lam piv txwv xwb thiab tsis tas li no, cov kaus poom ntim mov, cov zaub mov qhuav, cov txiv hmab txiv ntoo thiab zaub, khoom rau tsiaj, nqaij, ntses, thiab nqaij qaib nqaij noog, thiab lwm yam khoom siv hauv tsev, thiab khoom siv los pab kom koj lub tsev nyab xeeb, tu huv si, thiab tej yam koj yuav tsum tau los khiav koj lub tsev.

2.7.4. Mus ua tej yam nraum zoov, tiamsis tus neeg ntawd yuav tau ua raws li Cov Cai Hais Kom Nyob Deb Lwm Tus uas tau piav hauv Tshooj no, xws li, lam piv txwv xwb thiab tsis tas li no, mus taug kev, caij luv thij, taug kev tom hav zoov, lossis mus khiav raws li Cov Cai Hais Kom Nyob Deb Lwm Tus thiab kom lawv ua raws li cov cai tswj no:

2.7.4.1. Txwv tsis pub nres tsheb tom Lub Nroog Fresno cov chaw ua si park.

2.7.4.2. Txhua lub chaw ua si park hauv Lub Nroog Fresno yuav kaw Hnub Saturday thiab Sunday, Lub Plaub Hlis Ntuj tim 11 thiab 12.

2.7.4.3. Cov chaw ua si uas muaj cov tshuab qoj ib ce lossis txhawb kom tsheej pawg neeg sib sau ua ke, nrog rau, tiamsis tsis tas rau cov chaw nce ua si rau menyuam yaus, cov khoom nqa hnyav qoj ib ce, cov chaw noj mov (nrog rau cov rooj thiab cov rooj ntev zaum), cov chaw coj aub mus ua si, thiab cov chaw ci nqaij yuav raug txwv tsis pub mus thiab txhua cov

chaw yuav muaj paib thiab, yog tias haum, muab tej yam khoom los thaiv txwv tsis pub cov pej xeem nkag mus rau hauv.

- 2.7.4.4. Cov chaw ua si uas sib koom siv nraum zoov, nrog rau, tiamsis tsis tas rau cov chaw ntaus golf, cov chaw ntau tennis thiab pickle ball, cov chaw ntau pétanque/bocce, cov chaw ua si muaj pob zeb, cov phab ntsha nce pob zeb, cov chaw da dej, cov chaw da dej sov, cov chaw tua phom thiab hneev, cov chaw khiav qoj ib ce, tua disc golf, thiab cov chaw txawb npas basketball thiab tagrno cov chaw xws li ntawd yuav raug txwv tsis pub mus thiab txhua cov chaw yuav muaj daim paib thiab, yog tias haum, muab tej yam khoom los thaiv txwv tsis pub cov pej xeem nkag mus rau hauv.
- 2.7.4.5. Lub Nroog cov chaw ua si park yuav raug kaw ntev npaum li Lub Nroog xav tias qhov chaw ntawd tsis nyab xeeb rau tib neeg los ua kom nyob tau deb ntawm lwm tus neeg.
- 2.7.5. Mus koom ib lub ntees tiamsis tsis pub ntau ntshaj kaum tus neeg hauv lub chaw ntawd.
- 2.7.6. Mus ua haujlwm xa khoom thiab muab cov kev pab tseem ceeb tom lub ib Lub Chaw Haujlwm Tseem Ceeb lossis los khiav tej yam haujlwm uas raug pom zoo hauv Cov Lus Khoo ntawm no, thiab pub mus Khiav Haujlwm Raws Li Qhov Tsawg Kawg.
- 2.7.7. Mus tu xyuas ib tug tsev neeg lossis tsiaj hauv lwm lub tsev.
- 2.7.8. Kom txhua tus nkag siab Cov Lus Khoo ntawm no, tib neeg tawm tau ntawm lawv lub tsev mus ua haujlwm lossis mus txais kev pab ntawm "Cov Chaw Kho Mob," nrog rau cov tsev kho mob loj, cov tsev kho mob me, cov kws kho kaus hniav, cov khw muag tshuaj, cov chaw rho ntshav los khaws tseg thiab cov kev ncig zos rho ntshav, cov tsev haujlwm ua tshuaj thiab kev tshawb fawb txog tej yam kab mob, lwm cov chaw kho mob tu mob, cov chaw muag khoom kho mob tu mob, cov kws pab kho mob tu mob, lossis cov kev pab uas xws li thiab/lossis cov kev kuaj los pab nrhiav tus mob. "Cov Chaw Kho Mob" kuj nrog rau cov kev kho mob rau tsiaj thiab txhua yam kev pab kho mob rau tsiaj. Txoj kev zam no tau muab txhais kom dav thiaj li tsis raug txoj kev noj qab haus huv, uas tau muab txhais kom dav. "Cov Chaw Kho Mob" tsis suav cov chaw pab kom ib ce yuag thiab cov chaw mus khiav qoj ib ce thiab tej yam chaw xws li ntawd.
- 2.7.9. Kom txhua tus nkag siab Cov Lus Khoo ntawm no, tib neeg tawm tau ntawm lawv lub tsev mus pab lossis ua haujlwm los pab khiav thiab tswj "Cov Chaw Tseem Ceeb." Nrog rau tiamsis tsis tas rau, kev puab kev kho tej yam uas cov pej xeem yuav tsum tau, kev puab kev kho tsev (tseem ceeb tshaj yog tsev luam lossis cov tsev rau tib neeg uas tsis muaj tsev nyob), chaw haujlwm ya dav hlau,

dej, dej khib nyiab, nkev, fais fab, roj, kev tsav tsheb thiab kev loj, kev thauj mus los rau cov pej xeem, kev tuaj thauj thiab kev tshem khib nyiab, kev tu xyuas cov toj ntxa, cov chaw pam tuag, cov chaw hlawv cov neeg tuag, istawsnev thiab xovtooj (nrog rau tej yam haujlwm tseem ceeb los khiav kom tau cov haujlwm hauv koospijtawj, tsev haujlwm, kev tiv tauj, thiab cov kev siv istawsnev rau lub ntiaj teb, lub xeev, thiab lub nroog) yuav tsis ua li cas yog tias lawv muab cov kev pab lossis ua cov haujlwm no raws li Cov Cai Hais Kom Nyob Deb Lwm Tus, ntau li ntau tau.

2.7.10. Kom txhua tus nkag siab Cov Lus Khoo ntawm no, tagrho cov tib neeg ua haujlwm pab cov pej xeem ua ntej, cov thawj coj saib xyuas cov neeg ua haujlwm rau cov muaj xwm txheej ceev, cov neeg txais xovtooj xwm txheej ceev, cov neeg ua haujlwm rau lub xam, cov tub ceev xwm, thiab lwm cov neeg ua haujlwm pab txhawb Cov Lag Luam Tseem Ceev raug zam ntawm Cov Lus Khoo ntawm no tsuav lawv khiav cov haujlwm uas tseem ceeb ntawd xwb. Ntxiv mus, tsis muaj ib yam dabtsi hauv Cov Lus Khoo no los txwv tsis pub ib tug neeg twg los mus "Koom Tej Haujlwm Tsoom Fwv Tseem Ceeb." Koom Tej Haujlwm Tsoom Fwv Tseem Ceeb txhais tau tias rau cov uas ua haujlwm los saib xyuas kom tsoom fwv cov chaw haujwm tseem khiav taus thiab los muab kom tau cov kev pab hais txog kev noj qab haus huv, kev nyab xeeb thiab kev noj qab nyob zoo rau cov pej xeem. Tagrho Cov Kev Koom Tej Haujlwm Tsoom Fwv Tseem Ceeb yuav tsum tau ua raws li Cov Cai Hais Kom Nyob Deb Lwm Tus raws li tau piav hauv Tshooj no kom ntau li ntau tau.

2.7.11. Kom txhua tus nkag siab Cov Lus Khoo ntawm no, ib lub "lag luam" uas raug pom zoo yog hais txog lub lag luam uas ua lag luam rau nyiaj, lub ua lag luam tsis yog rau nyiaj, lossis lub chaw qhia ntawv, txawm tias lawv cov kev pab yog li cas, lawv khiav haujlwm li cas, lossis lag luam loj lossis lag luam me.

2.8. Kom txhua tus nkag siab Cov Lus Khoo ntawm no, "Cov Lag Luam Tseem Ceeb" txhais hais tias:

2.8.1. Cov Chaw Kho Mob thiab Cov Chaw Tseem Ceeb;

2.8.2. Cov khw muag zaub mov, cov khw rau cov tib neeg ua teb tuaj muag zaub muag khoom, cov chaw muag tej yam lawv cog thiab zaub txiv hmab txiv ntoo, cov khw me muag zaub mov, cov chaw haujlwm muag zaub mov, cov khw me, thiab lwm cov chaw muag kos poom ntim khoom no, zaub mov qhuav, txiv hmab txiv ntoo thiab zaub, khoom rau tsiaj, nqaij, ntses, thiab nqaij qaib nqaij noog, thiab lwm yam khoom siv hauv tsev (xws li khoom tu tsev thiab khoom siv tu tus kheej). Cov ntawm no hais txog cov khw uas muag zaub muag mov thiab muag lwm yam uas tsis yog zaub mov, thiab lwm yam khoom siv hauv tsev, thiab khoom siv los pab kom koj lub tsev nyab xeeb, tu huv si, thiab tej yam lwm yam khoom siv hauv tsev, thiab khoom siv los pab kom koj lub tsev nyab xeeb, tu huv si, thiab tej yam koj yuav tsum tau los khiav koj

- lub tsev;
- 2.8.3. Kev cog kev tu tsiaj los ua mov, hais txog kev ua teb, kev yug tsiaj, thiab kev nuv ntse;
  - 2.8.4. Cov lag luam uas muag zaub mov, muaj chaw rau neeg nyob, thiab cov kev pab rau cov pej xeem, thiab lwm yam uas tib neeg yuav tsum tau rau rau cov tsis tau nyiaj ntau lossis rau cov tib neeg uas tsis muaj dabtsi li;
  - 2.8.5. Cov ntawv tshaj tawm txog xov xwm, cov TV, cov xov tooj cua, thiab lwm yam kev sib tham sau ub tej no hauv istawsnev;
  - 2.8.6. Cov khw muag nkev thiab tej yam khoom rau tsheb, chaw kho tsheb, thiab tej yam chaw xws li ntawd;
  - 2.8.7. Cov tuam txhab thiab cov chaw haujlwm txog nyiaj txiag;
  - 2.8.8. Cov khw muag khoom kho ub tej no;
  - 2.8.9. Cov neeg kho kav dej, cov neeg kho fais fab, cov neeg tua kab, thiab lwm cov neeg uas yuav pab tau cov pej xeem los pab kom lawv lub tsev nyab xeeb, tu huv si, thiab nrog tej yam lawv yuav tsum tau los khiav lawv lub tsev, "Khiav Haujlwm Tseem Ceeb, thiab Cov Lag Luam Tseem Ceeb;
  - 2.8.10. Cov lag luam xa ntawv thiab xa khoom, nrog rau cov chaw haujlwm xa ntawv;
  - 2.8.11. Cov tsev kawm ntawv—nrog rau cov tsev kawm ntawv dawb thiab cov them nyiaj qib K-12, cov tsev kawm ntawv qib siab, thiab cov tsev kawm ntawv them kawg—kom lawv kawm tau tom tsev lossis kom ua tau tej yam tseem ceeb, tiamsis yuav tau ua raws li Cov Cai Hais Kom Nyob Deb Lwm Tus;
  - 2.8.12. Cov khw ntxhua khaub ncaws, cov khw ntxhua tib neeg cov khaub ncaws rau lawv, thiab cov chaw pab ntxhua khaub ncaws;
  - 2.8.13. Cov lab muag mov noj thiab lwm cov chaw npaj thiab ua mov noj, tiamsis tsuas pub lawv xa mus rau tib neeg tsev thiab kom tib neeg tuaj nqa mus tsev nkaus xwb. Cov tsev kawm ntawv thiab lwm cov chaw uas muab mov dawb rau cov tub kawm ntawv lossis cov pej xeem tseem yuav ua tau txuas ntxiv mus raws li Cov Lus Khoo ntawm no yog tias cov zaub mov uas lawv muab rau cov tub kawm ntawv lossis cov pej xeem tuaj nqa thiab nqa cov zaub mov mus xwb. Cov lab muag mov noj, cov tsev kawm ntawv thiab cov chaw muab mov uas peb zam ntawm no yuav tsum tsis txhob pub leej twg noj ntawm thaj tsam uas lawv muab mov, lossis lwm qhov chaw uas tib neeg sib sau ua ke, tiamsis peb tsuas zam tau cov hoob noj mov tom lub tsev kho mob loj xwb, rau tib neeg los noj mov hauv lub hoob noj mov ntawd;
  - 2.8.14. Cov lag luam uas muag khoom kom tib neeg ua tau haujlwm lawv lub tsev;
  - 2.8.15. Cov lag luam uas muag khoom rau lwm cov lag luam tseem ceeb

uas pab txhawb lossis muag khoom rau tib neeg los khiav haujlwm tau, nrog rau, tiamsis tsis tas rau, kev thauj khib nyiab pov tseg, kev zom khib nyiab mus ua dua tshiab thiab kev zom khoom fais fab mus ua dua tshiab;

- 2.8.16. Cov lag luam uas xa zaub xa nqaij, zaub mov, khoom lossis cov kev pab rau cov pej xeem;
- 2.8.17. Cov chaw haujlwm ya dav hlau, tsheb ntiav, thiab lwm yam kev thauj mus los uas thauj tau tib neeg mus Khiav Haujlwm Tseem Ceeb thiab tej yam uas tau raug pom zoo hauv Cov Lus Khoo ntawm no;
- 2.8.18. Kev tu xyuas tom tsev rau cov neeg laus, cov neeg muaj hnuv nyoog kaum yim xyoo rov saud, lossis cov menyuam yaus;
- 2.8.19. Cov chaw nyob thiab cov tsev nyob rau cov neeg laus, cov neeg muaj hnuv nyoog kaum yim xyoo rov saud, lossis cov menyuam yaus;
- 2.8.20. Cov kev pab nrog tej yam haujlwm, xws li cov kev pab txog kev lig kev cai lossis cov kev pab laij nyiaj, thaum yuav tsum tau los ua kom tau tej yam raug khoo raws cai;
- 2.8.21. Chaw zov menyuam uas zov menyuam kom cov neeg uas raug zam hauv Cov Lus Khoo ntawm no mus ua tau haujlwm. Sim ua kom ntau li ntau tau, cov chaw zov menyuam yuav tau khiav lawv lub chaw haujlwm raws li cov cai uas lawv qab ntawm no:
- 2.8.21.1. Lawv yuav tau zov tib pab menyuam uas 10 tus lossis tsawg dua ("tib pab" txhais tias yuav tsum yog 10 tus menyuam ntawd nkaus xwb lossis tsawg tshaj ntawd txhua hnuv).
  - 2.8.21.2. Txwv tsis pub cov menyuam hloov mus los sib xyaws nrog lwm pab menyuam.
  - 2.8.21.3. Yog tias lub chaw ntawd muaj ntau tshaj ib pab menyuam uas lawv zov, lawv yuav tau muab faib cov pab menyuam ntawd mus nyob nyias hoob. Lawv yuav tsum tsis txhob muab cov pab pawg ntawd sib xyaws nrog lwm pab pawg.
  - 2.8.21.4. Cov neeg zov menyuam yuav tsum nyob twj ywm nrog lawv pab pawg menyuam xwb.
- 2.8.22. Peb muaj cov lus qhia kom tseeb zog txog cov lag luam tseem ceeb thiab tsis tseem ceeb hauv Lub Nroog Fresno qhov website ([www.fresno.gov](http://www.fresno.gov)).
- 2.8.23. Cov ib sij txhaum cai lossis txhaum cai tas li tsis ua raws li cov cai kaw, cov cai txwv, lossis cov cai hais kom nyob deb lwm tus tom ib lub lag luam lossis tsev lag luam, tus tub ceev xwm, nrog rau txoj kev pom zoo los ntawm Tus Thawj Tub Ceev Xwm, lossis tus neeg uas raug xaiv los khiav txoj haujlwm, nrog txoj kev pom zoo



los ntawm Lub Nroog Tus Thawj Kws Lij Coj, lossis tus neeg uas raug xaiv los khiav txoj haujlwm, khoo tau kom ib lub lag luam kaw lawv lub lag luam thiab yuav tsis pub qhib txog txij lawv pom zoo, lossis mus ntev npaum li lub zos tseem muaj kev xwm txheej ceev.

- 2.9. Kom txhua tus nkag siab Cov Lus Khoo no, "Khiav Haujlwm Raws Li Qhov Tsawg Kawg" yog hais txog cov lawv qab ntawm no, tiamsis cov neeg ua haujlwm yuav tau ua raws li Cov Cai Hais Kom Nyob Deb Lwm Tus uas peb tau txhais hauv Tshooj no, ntau li ntau tau, thaum lawv khiav cov haujlwm no:
  - 2.9.1. Khiav tej yam dej num tsawg kawg nkaus los pab kom ib lub lag luam muaj khoom txaus, muaj kev ruaj ntseg, them nyiaj tau thiab muaj kev faj seeb rau cov neeg ua haujlwm, lossis tej yam xws li ntawd.
  - 2.9.2. Khiav tej yam dej num tsawg kawg nkaus los pab kom cov neeg ua haujlwm tseem ua tau haujlwm tom tsev.
- 2.10. Kom txhua tus ua tau raws li cov lus khoo ntawm no, cov tsev nyob txhais tias cov tsev so loj, cov tsev so me, cov tsev sib koom them nyob ua ke, thiab cov lwm cov tsev xws li ntawd. Cov tsev kuj txhais tau tiav cov chaw tib neeg nyob thiab cov chaw nraum zoov uas tib neeg nyob xws li cov chaw nyob nraum qaum tsev, cov chaw nyob nraum zoov ntawm qhov rooj, nraum vaj, thiab sab nraum lub tsev ntawm hauv ntej uas ib tsev neeg lossis cov neeg nyob hauv lub tsev ntawd siv tau.
- 2.11. Kom txhua tus ua raws li cov lus khoo hauv Cov Cai Hais Kom Nyob Deb Lwm Tus hais, tiamsis tsis tas rau kom ib tug neeg yuav tsum nyob deb yam tsawg kawg yog rau-feet ntawm lwm tus neeg, ntxuav tes nrog xub npum thiab dej kom tsawg kawg yog nees nkaum second heev npaum li heev tau lossis siv cov tshuaj ntxuav tes tua kab mob, npog thaum hnoos thiab txham (rau hauv koj lub tes tsho lossis txhais npab), nquag so rooj so txee, thiab tsis txhob chwv lwm tus neeg uas tsis nyob hauv lawv tsev neeg lossis hauv ib lub tse.
3. Lub Nroog cov chaw haujlwm uas lawv muaj lossis tswj ntawm no yuav raug muab kaw tsis pub rau cov pej xeem mus, tiamsis tsuas pub rau cov khiav haujlwm xwm txheej ceev uas raug pom zoo los ntawm Tus Thawj Coj Saib Xyuas Thaum Muaj Tej Yam Xwm Txheej Ceev: Selland Arena, Saroyan Theater, Exhibit Halls, Convention Center, Fresno Chaffee Zoo, Rotary Playland, Storyland, Veterans Memorial Auditorium, lub Meux Home, Shinzen Garden, tagnrho cov chaw pej xeem mus ua si, thiab cov tsev ncaaws kis las ntaus kis las, nrog rau Granite Park, Southwest Regional, thiab lwm yam.
4. Cov Lus Khoo raug muab kho lossis raug muab ncuu tseg thaum twg los tau, thiab yuav raug muab siv tsis tau los hloov tej yam uas koj tau txaus siab ua hauv daim ntawv cog lus nrog lwm tus neeg, tej yam cai txog lub chaw, lossis siv tsis tau los foob Lub Nroog.
5. Yog muaj ib co lus hauv Cov Lus Khoo no lossis cov lus no tsis haum rau tej tug neeg twg lossis tej yam nws ua ces cov lus ntawd yuav tsis raug rau nws, tiamsis yog tias muaj lwm cov lus uas nyob hauv Cov Lus Khoo no haum rau nws lossis tej yam nws ua, ces nws yuav tau ua raws li cov lus ntawd tagnrho thiab ua tamsid mus. Nws nyob ntawm peb, peb muaj txoj cai ncuu tseg cov lus hauv Cov Lus Khoo no los tau.
6. Cov Lus Khoo no yuav tau muab los txhais ua lus Mev thiab Lus Hmoob, thiab Lus

Cov Lus Khoo Xwm Txheej Ceev 2020-13  
Nyob Tsev – Ntxiv Sijhawm Mus Ntev Zog  
thiab Ntxiv Ntau Zog Lub Plaub Hlis Ntuj  
Tim 10, 2020  
Nplooj 10 ntawm 10

Khej tamsid, thiab yuav tau muab kho kom cov tib neeg uas muaj tej yam kev xiam oob qhab nyeem kom tau; peb yuav muab tshaj tawm rau tagnrho cov kev tshaj saum istawsnev thiab muab tso rau saum Lub Nroog qhov vesxaij kom txhua tus neeg pom tau.

COV LUS KHOO NO YUAV PIB TAMSIM NO MUS.

Tus Thawj Coj Saib Xyuas Thaum Muaj Tej Yam Xwm Txheej Ceev



---

Wilma Quan Tus Tswj Xyuas Lub  
Nroog

Lub Plaub Hlis Ntuj Tim 10, 2020  
Lub Hnub Tim

11:00am  
Lub Sijhawm

# Theem A: Txoj Cai Hais Kom Nyob Deb Lwm Tus, Daim Nplooj Ntawv 1

Lub lag luam npe: \_\_\_\_\_

Lub Chaw Qhov Chaw Nyob: \_\_\_\_\_

Koj khwv yees tias lub chaw qhib rau cov pej xeem tuaj muaj puas tsawg square feet: \_\_\_\_\_

***Cov lag luam yuav tsum ua raws li cov tswv yim npaj ua uas nyob hauv qab no, thiab yuav tsum npaj tau los piav tias vim li cas lawv lub lag luam tsis ua raws li cov cai.***

## **DAIM PAIB UAS YUAV TSUM TAU DAI (thiab yuav tau dai ob daim nplooj ntawv los qhia txog cov cai ntawm no):**

- Dai daim paib rau ntawm lub qhov rooj nkag mus los qhia txhua tus neeg ua haujlwm thiab neeg yuav khoom kom lawv: tsis txhob nkag rau hauv qhov chaw ntawd yog tias lawv hnoos lossis mob npaws; nyob deb ntawm lwm tus neeg yam tsawg kawg yog rau-feet ntawm lwm tus; txham thiab hnoos rau ib daim ntaub lossis ntaub so ntswg lossis, yog tias tsis muaj, siv lub luj tshib; thiab tsis txhob tuav tes lossis chwv lwm tus neeg.
- Dai daim paib qhia txog Txoj Cai Hais Kom Nyob Deb Lwm Tus ntawm txhua lub qhov rooj nkag mus ntawm lub chaw lag luam.

## **COV TSWV YIM NPAJ UA LOS TIV THAIV COV NEEG UA HAUJLWM TXOJ KEV NOJ QAB HAUS HUV (khij tagnrho cov haum rau lub chaw lag luam):**

- Peb twb hais kom txhua tus neeg uas ua tau lawv txoj haujlwm tom tsev mus ua haujlwm tom tsev lawm.
- Peb twb hais kom txhua tus neeg uas tsis xis nyob tsis txhob tuaj ua haujlwm.
- Peb yeej siv Lub Cheeb Nroog Fresno Lub Tuam Tsev Haujlwm Tswj Xyuas Txoj Kev Noj Qab Haus Huv Daim Ntawv Kuaj Rau Cov Chaw Haujlwm Uas Tsis Yog Kho Mob ua ntej lawv nkag rau lub chaw haujlwm.
- Peb twb muab tagnrho cov rooj lossis cov chaw ua haujlwm kom nrug deb li ntawm rau feet.
- Peb twb tu siv cov tshuaj tua kab mob hauv cov hoob so, cov chav dej, thiab lwm cov chaw uas tib neeg nyob tas mus li, raws li sijhawm ntawm no:
  - Cov hoob so: \_\_\_\_\_
  - Cov chav dej: \_\_\_\_\_
  - Lwm cov chaw: \_\_\_\_\_
- Peb muaj cov tshuaj tu tua kab mob rau txhua tus neeg ua haujlwm ntawm qhov (cov) chaw: \_\_\_\_\_
- Peb muaj cov tshuaj plev tes tua kab mob COVID-19 rau txhua tus neeg ua haujlwm ntawm qhov (cov) chaw: \_\_\_\_\_
- Peb muaj xub npum thiab dej rau txhua tus neeg ua haujlwm ntawm qhov (cov) chaw: \_\_\_\_\_
- Cov neeg ua haujlwm yeej hnav tej yam tiv thaiv ntsej muag thaum lawv ua haujlwm.
- Peb twb muab Cov Cai no faib rau txhua tus neeg ua haujlwm lawm.
- Nyob ntawm koj xav teb—Piav txog lwm cov tswv yim tau npaj ua: \_\_\_\_\_

## **COV TSWV YIM NPAJ UA LOS TIV THAIV KOM TXHOB MUAJ NEEG COOB LOS SIB SAU UA KE (khij tagnrho cov haum rau lub chaw lag luam):**

- Txwv tsuas pub \_\_\_\_\_ tus neeg yuav khoom los nkag rau lub khw rau ib lub sijhawm nkaus xwb los pab kom cov neeg yuav khoom thiab cov neeg ua haujlwm nyob tau deb li rau-feet ntawm lwm tus txhua lub sijhawm, nyob ntawm Lub Nroog hais. Pub li ntawm 50% ntawm cov neeg ntau kawg nkaus uas pub nkag rau ib lub sijhawm twg xwb.

## Theem A: Txoj Cai Hais Kom Nyob Deb Lwm Tus, Daim Nplooj Ntawv 2

- Tso ib tug neeg ua haujlwm rau ntawm qhov rooj los tswj kom txhob pub ntau tshaj cov neeg yuav khoom los nkag rau ib lub tsev lag luam uas tau hais saum toj.
- Txwv tsuas pub yuav ntau tshaj ib pob ob pob ntawm cov khoom uas muag tag nrawm kom tsis txhob muaj tsheej pawg neeg thiab kab tos yuav khoom ntau ntau. Piav:  
\_\_\_\_\_
- Nyob ntawm koj xav teb—Piav txog lwm cov tswv yim tau npaj ua: \_\_\_\_\_

### **COV TSWV YIM NPAJ UA LOS PAB KOM TIB NEEG NYOB DEB LLNTAWM RAU FEET NTAWM LWM TUS NEEG (khij tagnrho cov haum rau lub chaw lag luam):**

- Dai paib nraum zoov lub khw kom tib neeg nco qab nyob deb li rau feet ntawm lwm tus neeg, nrog rau lub sijhawm uas lawv ua kab them nyiaj.
- Tso ntaub nplaum lossis lwm yam los khij rau hauv av rau cov neeg los sawv thaum lawv ua kab them nyiaj sab hauv lub khw thiab nraum zoov los qhia rau cov neeg yuav khoom kom lawv nyob deb lwm tus.
- Muab qhov chaw xaj yuav khoom tso rau ib qho chaw txawv ntawm qhov chaw xa khoom li ntawd cov neeg yuav khoom thiaj li tsis nyob tsheej pab ua ke.
- Peb twb hais kom txhua tus neeg ua haujlwm nyob deb li ntawm rau feet ntawm cov neeg yuav khoom thiab ntawm lwm cov neeg ua haujlwm, tsuas pub tib pliag thaum txais nyiaj, xa khoom lossis muab kev pab, lossis los ua tej yam uas yuav tsum tau ua xwb.
- Nyob ntawm koj xav teb—Piav txog lwm cov tswv yim tau npaj ua: \_\_\_\_\_

### **COV TSWV YIM NPAJ UA LOS TIV THAIV KOM TSIS TXHOB CHWV UB TELNO YOG TIAS TSIS THAS (khij tagnrho cov haum rau lub chaw lag luam):**

- Pab tiv thaiv kom tib neeg tsis txhob muab cov khoom siv los noj mov lawv tus kheej.
  - Cov hau khwb khob haus dej thiab lwm cov khoom siv los noj mov-haus dej yog los ntawm cov neeg ua haujlwm xwb; tsis txhob pub cov neeg yuav khoom muab lawv tus kheej.
  - Tsis txhob muab cov tawb ntim cov khoom ua tej pob loj rau cov neeg yuav khoom los siv rau lawv tus kheej.
- Tsis txhob pub cov neeg yuav khoom nqa lawv cov hnab, cov khob haus, lossis lwm cov khoom rov siv dua tom tsev tuaj.
- Ua kom muaj ib txoj kev rau tib neeg them nyiaj yam tsis thas kov dabtsi lossis, yog tias ua tsis tau li ntawd, ces ib sij siv tshuaj tua kab mob los so cov tshuab them nyiaj tas mus li. Piav qhia: \_\_\_\_\_
- Nyob ntawm koj xav teb—Piav qhia txog lwm cov tswv yim npaj ua (piv txwv tias, pub cov neeg laus tuaj rau tej lub sijhawm xwb) \_\_\_\_\_

### **COV TSWV YIM NPAJ UA LOS TUA KOM TAU KAB MOB HEEV ZOG (khij tagnrho cov haum rau lub chaw lag luam):**

- Muaj cov ntaub tua kab mob uas tua tau tus kab mob COVID-19 ze rau ntawm cov laub thiab cov tawb yuav khoom.
- Muaj tus (cov) neeg ua haujlwm los so tua kab mob rau cov laub thiab tawb yuav khoom tas mus li. Muaj cov tshuaj pleev tes tua kab mob, xub npum thiab dej, lossis cov tshuaj tua kab mob rau cov pej xeem rau qhov chaw lossis ze cov chaw nkag mus rau hauv lub chaw lag luag, ntawm cov chaw them nyiaj, thiab rau sab hauv lub khw lossis nraum zoov rau cov chaw uas tib neeg

nquag sib pom sib tham.

## **Theem A: Txoj Cai Hais Kom Nyob Deb Lwm Tus, Daim Nplooj Ntawv 3**

- Siv cov ntaub tua kab mob los so cov tshuab them nyiaj, cov npiv, cov pas siv xees npe tom qab txhua zaus ib tug neeg siv.
- Siv cov ntaub tua kab mob los so cov chaw tib neeg nquag kov tas mus li.
- Nyob ntawm koj xav teb—Piav txog lwm cov tswv yim tau npaj ua: \_\_\_\_\_  
\_\_\_\_\_

\* Koj qhia tau txog lwm cov tswv yim npaj ua uas tsis nyob ntawm no rau lwm cov nplooj ntawv los tau, thiab lub lag luam yuav tau muab rhais ua ke nrog daim ntawv no.

**Koj hu tau tus neeg ntawm no yog tias koj muaj lus nug lossis tej yam koj xav hais txog txoj cai no:**

**Lub npe:** \_\_\_\_\_ **Xovtooj:** \_\_\_\_\_